



Հայաստանեաց Եկեղեցւոյ Սուրբ Յակոբ Կիրակօրեալ Դպրոցի ամսաթերթ

Յունուար 2006

ԺԴ տարի թիւ 5



Սուրբ Ծնունդի պատկեր հայկական մանրանկարի վրայ, 1362 թ.

Այս թիւնը . . .

Յիսուսի ծնունդը, զինք ընդունողին բերաւ նոր կեանք, սիրոյ եւ հաւատքի վրայ հիմնուած, ուր կեանքը կը յաղթէ մահուան, բարի՞ չարին, յոսը՝ յուսալքութեան եւ ոգեհենը՝ հիմքին։ Էջ 2

Ծաշու պաշտօնը իր գագաթնակետին կը հասնի սուրբ գիրքն հատուածներու ընթերցանութեամբ։ Էջ 3-4

Գիտցէք, որ փորձութիւնը համբերութիւն կը ծնի, եթէ ձեր հաւատքը փորձին դիմանավ: Խսկ համբերութիւն պէտք է ունենալ մինչեւ վերջ, որպէսզի ամբողջական եւ կատարեալ ըլլաք, եւ ձեզի ունեէ բան չպակի: Էջ 5

«Աստուածայալ Հեղիկ», ու ամպ առ բարձրագույնը»:

«Աստուածայալ Հեղիկն անուան տակ համախմբուած է Քրիստոսի կեանքի սկզբնական շրջանին վերաբերող դրուագներու շարք մը, որոնցմէ մէկն է Առոր Սուրբ Ծննդեան դրուագը:»**Եջ 6**

Անցեալին հայաստանեաց Եկեղեցւոյ բոլոր մեծ տօներուն իբր նախատօնակ կը կատարուէր Ծրագալոց, իսկ ներկայիս միայն Սուրբ Ծնունդի եւ Զատկուա տօները նախորդոյ երեկոները :Էջ 7

Թաղէսու եւ Բարթողիմէսու առաքելաներուն վերագրուելով է որ Հայաստանեաց եկեղեցին կը կոչուի «Առաքելական»։ Եջ 7

Նաեւ... Պահուած բառ էջ 8, Աստուածաշունչը փոքրիկներուն համար էջ 11-14, Ո՞րն է ճիշդ պատասխանը: Էջ 15-19 Կարճ լուրեր: Էջ 20

Մ Ա
Ա Ր
Շ Զ
Տ Ա
Ո Գ
Ո Ա
Ց Ա
Ց Ե
Ց Գ

ՄԱԾՏՈՑԻ ԱՐՁԱԳԱՆԳ

Հայաստանեաց Եկեղեցւոյ
Սուրբ Յակոբ Կիրակօնօրեայ Դպրոցի
ամսաթերթ

Խմբագիր՝

Շաղիկ Պոյածեան

Աշխատակիցներ՝

Յասմիկ Նաճարեան
Երան Լոշխանեան
Գարոլ Մանուկեան
Թամար Գիգիրեան
Շողիկ Նաճարեան
Նիկոլ Դանիէլեան
Թորոս Պապիկեան

ՄԱԾՏՈՑԻ ԱՐՁԱԳԱՆԳ-ը

կը գտնուի նաեւ համացանցի (internet) վրայ: Այցելեցէ՞ք www.sourphagop.org, ձախ կողմի կոճակներէն «Պարբերաթերթ»ը ձեզ կ'ուղէ դէպի ներկայ եւ նախկին թիւնը...

Հ ա յ ա ս տ ա ն ե ա յ ց
Եկեղեցւոյ Սուրբ Յակոբ
Կիրակօնօրեայ դպրոցի
կամաւոր խմբակը

Ուսուցիչներ՝

Սալիի Բագլանեան
Վերժին Գէպթանճեան
Յասմիկ Նաճարեան
Երան Լոշխանեան
Գարոլ Մանուկեան
Վերա Կարապետեան
Թամար Գիգիրեան
Շողիկ Նաճարեան
Աշխեն Իշխանեան
Յասմիկ Գանաճեան

Տնօրէն՝

Թորոս Պապիկեան

Լուսանկարիչ՝

Նիկոլ Դանիէլեան

Պարբերաթերթ՝

Շաղիկ Պոյածեան

Ծնունդը առիթ վերածնունդի

Քրիստոսի հրաշափառ ծնունդը ինքնին որոշ մարդոց աչքին կրնայ պատմութիւն մը թուիլ, հազարաւոր այլ պատմութիւններու նման, հրաշալի եւ երեւակայական պատմութիւն մը:

Սակայն Սուրբ Ծնունդը հաւատացեալին աչքով դիտուած ամրողովին այլ կերպար կը ստանայ ու մտային կարողութիւններով ըմբոշխնելի պատմուածքէ մը անդին կը վերածուի հոգիի եւ սրտի աչքերով դիտուած իրողութեան մը, կեանքի եւ վերածնունդի խորհրդանիշի մը:

Իսկապէս ալ, Յիսուսի ծնունդը, զինք ընդունողին բերաւ նոր կեանք, սիրոյ եւ հաւատքի վրայ հիմնուած, ուր կեանքը կը յաղթէ մահուան, բարին՝ չարին, յուսը՝ յուսալքութեան եւ ոգեղէնը՝ նիւթին:

Մեր արդիականացած կեանքերը, իրենց իրայատուկ հեւրով եւ արագընթաց գնացքով վերածուած են կարծես մեքենայացած շարժումներու եւ արարքներու շարքի մը, զորս բոլորս կը կիրարենք առանց անդրադառնալու եւ գիտակցելու: Ժամանակի պակասը եւ առօրեայ սովորոցներու կրկնութիւնը յաճախ կը լճացնեն մեր կեանքերը ու կը սահմանափակեն մեր երեւակայութիւնը: Նիւթը կը ճնշէ ոգիին վրայ ու մարդը կամաց կը վերածուի լարուած մեքենայի:

Քրիստոսի Սուրբ Ծննդեան առիթը, իբր նոր կեանքի մը գալուստի առիթ, թող մեզ համար ե՛ւս հանդիսանայ իբր վերածնունդի առիթ: Ժամանակը առնենք նայուածք մը նետելու մեր կեանքերուն վրայ, արժենորելու համար մեր ընթացքը եւ Սուրբ Ծնունդի օրինակով մեր կեանքերէն ներս ծնունդ տանք բոլոր այն բարիքներուն եւ շնորհներուն որոնք ժամանակի ընթացքին զոհեցինք արդի մեր կենցաղին պատշաճելու հրամայականով: Խօսքը ոգեղէն գանձերու մասին է, բարիքին, արդարութեան, ընկերսիրութեան, խոնարհութեան, արիութեան, ժուժկալութեան եւ բոլոր այլ ծանօթ առաքինութիւններու մասին:

Քրիստոս ծնաւ եւ յատնեցաւ: Զեզի մեզի մեծ Աւետիս:


Հանդիպում Աստուծոյ հետ կամ՝ բացատրական պատարագ

«Մաշտոցի Արձագանգ»ի Դեկտմբերի թիւով մենք ծանօթացանք Սուրբ Պատարագի երկրորդ բաժնի ընթացքին կատարուող Երեքրտեան փառաբանութեան եւ անոր յաջորդող Աշխարհական քարոզին: Այս թիւով մենք պիտի շարունակենք ներկայացնել Շաշու պաշտօնը՝ պատարագի երկրորդ բաժնը, մինչեւ այս բաժնին աւարտը:

Շաշու պաշտօնը, ինչպէս որ նախապէս նկարագրած էինք, այն բաժինն է ուր Աստուած իր հաւատացեալ ժողովուրդին կը յատնուի իր խօսքին միջոցաւ, այսինք Սուրբ գիրքի ընդմշէն: Շիշդ այս գաղափարին կապակցութեամբ, Շաշու պաշտօնը իր գագաթնակետին կը հասնի սուրբ գիրքէն հատուածներու ընթերցանութեամբ: Այս ընթերցանութիւնը կը կատարէ սարկաւագը եղանակաւոր կերպով, կարծես երգելով:

Սակայն նախքան ընթերցանութիւնը, հաւատացեալները ներկայ կը գտնուին խօսքերու շարանի մը, զորս կ'արտասանուի մերթ ընդ մերթ սարկաւագին, քահանապին եւ դպիրներուն կողմէ: Այս բոլոր խօսքերուն նպատակն է յատուկ երկիւղածութեամբ մօտենալ եւ ունկնդրել Աստուծոյ խօսքը որ մեզի կը հասնի սուրբ գիրքի միջոցաւ:

Ահա թէ ի՞նչ կ'ըսուի այս հանգրուանին, գրաբար եւ անոր աշխարհաբար թարգմանութիւնը.-



Համձարիմ խօսքերը հասկնալու համար . . .

Սարկաւագ.- Ալելուիա, Օրթի:

Օրինեցէք Տէրը, Ոտքի ելեք:

Քահանայ.- Խաղաղութիւն ամենեցուն:

Խաղաղութիւն բոլորին:

Դպիր եւ ժողովուրդ.- Եւ ընդ հոգույդ քում:

Քու անձիդ, նոյնպէս:

Սարկաւագ.- Երկիւղածութեամբ լուարուք:

Երկիւղածութեամբ լսեցէք:

Քահանայ.- Սրբոյ Աւետարանիս Ցիսուսի

Քրիստոսի որ լստ . . . (Մատթէոսի, Մարկոսի, Ղուկասի կամ Ցովիաննէսի):

Ցիսուս Քրիստոսի Սուրբ Աւետարանը որ լստ . . . է:

Դպիր եւ ժողովուրդ.- Փառք քեզ Տէր Աստուած մեր:

Փառք քեզի, Տէր Աստուած մեր:

Սարկաւագ.- Պրօսխումէ:

Մտիկ ըրէք:

Դպիր եւ ժողովուրդ.- Ասէ Աստուած:

Աստուած կը խօսի:

Ինչպէս կը որոշուին պատարագի ընթացքին կարդացուելիք հատուածները

Պատարագի ընթացքին կատարուող Սուրբ Գիրքի հատուածներու ընթերցանութիւնը կը ճշդուի Ծաշու աւետարանին վրայ հիմնուելով:

Ծաշու աւետարանը պատարագին մէջ կարդացուելիք աւետարաններու հատուածներ պարունակող, տօնացոյցի կարգով շարուած հատուածներու այն հաւաքածոն է որ կը ճշդէ թէ իւրաքանչիւր օր որ հատուածները պիտի կարդացուին: Ծաշու աւետարանի բովանդակութիւնը Երուսաղէմի մէջ, չորրորդ դարու ընթացքին ճշդուած է, ու տակաւին կը գործածուի մինչեւ օրս:

Այս բոլորէն եսք միայն կ'ընթերցուի Սուրբ Գիրքը որուն աւարտին դպիրներն ու ժողովուրդը փառք կու տան Աստուծոյ ըսելով.-

«Փառք քեզ Տէր Աստուած մեր»:

Ծաշու ընթերցուածքներուն անմիջապէս կը հետեւի Հաւատքի խոստովանութիւնը, կամ աւելի ծանօթ իր անունով, «Հանգանակ Հաւատոյ»-ն: Սարկաւագը կը դառնայ դէախ սուրբ Սեղան եւ Աւետարանը վեր բարձրացնելով կ'արտասանէ, ժողովուրդի ընկերակցութեամբ «Հաւատամքը», ըսելով.-

Հաւատամք ի մի Աստուած, ի Հայրն ամենակալ, յարարիշն երկնի եւ երկրի, երեւելեաց եւ աներեւութից: Եւ ի մի Տէր Յիսուս Քրիստոս, յՈրդին Աստուծոյ, ծնեալն յԱստուծոյ, Հօրէ միածին, այսինքն յէութեալ Հօր:

Հաւատամքը կ'աւարտի հետեւեալ հատուածով, եւ անոր հետ մէկտեղ վերջ կը գտնէ Ծաշու պաշտօնը.-

«Հաւատամք եւ ի մի ընդհանրական եւ առ աքելական սուրբ Եկեղեցի: Ի մի մկրտութիւն, յապաշխարութիւն, ի քաւութիւն եւ ի թողութիւն մեղաց: Ի յարութիւն մեռելոց, ի դատասնանն յաւիտենից հոգուց եւ մարմնոց. յարքայութիւնն երկնից եւ ի կեանսն յաւիտենական:»



Եկեղեցական զգեստ

Նոր Կտակարանի նամակները կը խօսին մեզի

Իր տարիքով համեռը, Աւետարանը իսկական եւ առօրեայ կեանքէն անկապ գիրք մը չէ: Ընդհակառակը, ան իսկապէս գործէական եւ գործնական գիրք մըն է, որովհետեւ զան ընթերցողին կեանքը կրնայ բարեփոխել:

Այսպէս, Նոր կտակարանի նամակները այսօր տակաւին կը խօսին մեզի, եւ եթէ ոչ բացարձակ ամբողջութեամբ, վստահօրէն մասամբ կը համապատասխանեն ներկայ ժամանակաշրջաններուն մէջ կիրարկելի իրականութիւններու:

Համբերութիւն, հաւատք եւ իմաստութիւն

Եղբայրնե՛ր, դուք ձեզ շատ երշանիկ համարեցէք՝ երբ զանազան փորձութիւններու մէջ կ'ինաք: Գիտցէք, որ փորձութիւնը համբերութիւն կը ծնի, եթէ ձեր հաւատքը փորձին դիմանայ: Իսկ համբերութիւն պէտք է ունենալ մինչեւ վերջ, որպէսզի ամբողջական եւ կատարեալ ըլլաք, եւ ձեզի ունէ բան չպակսի:

Եթէ ձեզմէ մէկը կը զգայ թէ անհրաժեշտ իմաստութիւնը չունի, թող խնդրէ Աստուծմէ, որ բոլորին կու տայ առատօրէն եւ սիրայօժար կերպով, եւ Աստուած պիտի տայ իրեն: Բայց թող խնդրէ հաւատքո՞վ, առանց երկմտելու, որովհետեւ երկմիտ մարդը կը նմանի ծովու ալիքներուն, որոնք հովերէն կը շարժին ու կը տարութերին: Այնպիսին թող շակնեկալէ որ Տէրը կու տայ իր խնդրածը, որովհետեւ երկմիտ մարդը իր բոլոր քայլերուն մէջ անհաստատ է:

Աղքատն ու հարուստը

Աղքատ եղբայրը թող ուրախ ըլլայ, երբ Աստուած զինք բարձրացնէ: Հարուստ եղողն ալ թող ուրախ ըլլայ, երբ Աստուած զինք խոնարհեցնէ, որովհետեւ հարստութիւնը կը նմանի վաղաճուկ վայրի ծաղիկին: Ինչպէս երբ արեւը ծագի՝ իր այրող տաքութեամբ խոտը կը չորցնէ եւ ծաղիկը կը թափի, անոր գեղեցկութիւնն ալ կը կորսուի, ճիշդ այնպէս ալ մեծահարուստը իր գործերով միասին պիտի թառամի:


**Փորձութիւնները միջոց՝ կեանքին
տիրանալու**

Երանի՛ այն մարդուն որ կը տոկայ փորձութեամբ, որովհետեւ փորձութիւնն յաղթական դուրս եկողը որպէս մրցանակ պիտի ստանայ այն կեանքը, որ Տէրը խոստացաւ տալ

զինք սիրողներուն: Բայց փորձութեան մէջ եղող ունէ մէկը թող չըսէ՛ թէ Աստուած է որ զինք կը փորձէ, որովհետեւ Աստուած մասնակից չէ փորձութիւններուն որոնք չարէն կու գան, ո՛չ ալ ինք մարդիկը փորձութեան կ'ենթարկէ: Իրաքանչիւր մարդ կը փորձուի՛ իր իսկ ցանկութիւններէն տարուելով ու խարուելով: Ապա ցանկութիւնը յտանալով՝ մեղքին ծնունդ կու տայ, իսկ մեղքը երբ իր լրումին հասնի՝ մահուան պատճառ կ'ըլլայ:

Հետեւաբար դուք ձեզ մի՛ խարէք, սիրելի՛ եղբայրներս: Ընդհակառակը, միայն բարի ցանկութիւններն ու կատարեալ պարգեւներն են որ կու գան երկինքէն, Հօր Աստուծմէ, որ լոյսի արարիչն է, որուն կեանքը անփոփոխ է, անդառնալի եւ անստուեր: Աստուած կամեցաւ մեզ վերստին ծնիլ՝ որպէսզի իր ճշմարիտ նպատակը յալտնուի, որովհետեւ կ'ուզէ որ մենք իր նոր ստեղծագործութեան առաջին պտուղները ըլլանք:

Յակոբոս 1.2-18



**Մատթէոս աւետարանից
ըստ հայկական մանրանկարի մը**

Այսինքն՝ արդարութիւնը, դատաստանը եւ ուղղութիւնը...

Աստուածայայտնութիւն թէ՝ Սուրբ Ծնունդ

Քրիստոսի ծննդեան լիշտակման տօնը Հայատանեաց եկեղեցւոյ ամենէն մեծ եւ փառաւոր տօներէն մէկն է: Ան, ինչպէս բոլորիս ծանօթ է, կը լիշտակուի ամէն տարի Յունուար 6-ին: Այս հրաշափառ տօնին կը տրուի նաև «Աստուածայայտնութիւն» անունը, վերագրուելով այն իրողութեան թէ Քրիստոսի Ծնունդով Աստուած ի՞նք մարդեղացաւ եւ յայտնուեցաւ մարդկութեան:

Սակայն հետաքրքրական եռանգ մը կայ Աստուածայայտնութեան եւ Սուրբ Ծնունդին միշեւ:

«Աստուածայայտնութիւն» անուան տակ համախմբուած է Քրիստոսի կեանքի սկզբնական շրջանին վերաբերող դրուագներու շարք մը, որոնցմէ մէկն է Անոր Սուրբ Ծննդեան դրուագը:

Այսպէս, Աստուածայայտնութեան մաս կը կազմեն նաև Քրիստոսի մկրտութիւնը եւ Անոր անուանակոչութիւնը: Սակայն, Աստուածայայտնութեան մեծ տօնին գլխաւոր խորհուրդը Քրիստոսի Ծնունդը ըլլալով, Աստուածայայտնութեան տօնը սկսաւ կոչուիլ եւ նկատուիլ իբր Սուրբ Ծննդեան տօն ու երկու այս անունները ժամանակի լնթացքին նոյնացան:

Զրորհնեք

Այս անունով ծանօթ է այն արարողութիւնը որ տեղի կ'ունենայ Սուրբ Ծննդեան պատարագի աւարտին լիշտակելու համար Քրիստոսի մկրտութիւնը:

Մկրտութիւնը հայ եկեղեցւոյ հաստատուած եօթը խորհուրդներէն մէկն է: Ահա թէ ինչ ձեւով կը նկարագրուի Քրիստոսի մկրտութիւնը Մատթէոսի աւետարանին մէջ.-

« Այս օրերուն, Յիսուս Գալիլէայէն Յորդանան գետ եկաւ Յովհաննէսի մօտ՝ անկէ մկրտուելու համար: Բայց Յովհաննէս ընդդիմացաւ անոր, ըսելով.

- Են պէտք ունիմ քեզմէ մկրտուելու, եւ դո՞ւն իմձի կու գաս:

Յիսուս պատասխանեց.

- Հիմա թո՛յլ տուր որ այսպէս ըլլայ, որովհետեւ այսպիսով կատարած պիտի ըլլանք Աստուածոյ արդար կամքը:

Եւ Յովհաննէս թոյլ տուաւ: Յիսուս մկրտուելէ ետք՝ անմիջապէս ջորէն դուրս ելաւ: Եւ ահա երկինքը բացուեցաւ, եւ տեսաւ Աստուածոյ Հոգին, որ աղաւնիի նման կ'իջնէր եւ կու գար իր վրայ: Եւ ահա երկինքէն լսուեցաւ ձայն մը, որ կ'ըսէր.

- Ասիկա է իմ սիրելի Որդիս, որուն ես հաճնեցայ:

Մատթէոս 3.13-17

Գիտէի՞ր թէ... .

- Յիսուս երեսուն (30) տարեկան էր երբ մկրտուեցաւ:
- Յիսուս ութ (8) օրուայ էր երբ անուանակոչուեցաւ, եւ մենք այս կը տօնենք Յունուար 13 ին:

Խթում

«Խթում» անուան տակ ծանօթ են Սուրբ Ծնունդը նախորդող երեկոյեան ընթացքին կատարուող նախատօնական եկեղեցական եւ ժողովրդական արարողութիւնները:

Այդ երեկոյ եկեղեցիէն ներս կանթեղներ կը վարուին եւ ճրագը կը բաժան ու ի ժողովուրդին անոնց մոմերը վարելով ու այդպէս, վարած մոմերը տուն տանելով: Ճրագ վարելու այս սովորութեան հետեւողութեամբ, Խթումը երեկոյեան տրուած է նաեւ Ճրագալոյց անունը:

Ա ն ց ե ա լ ի ն
Հ ա յ ա ս տ ա ն ե ա յ ց
Ե կ ե ղ ե ց ւ յ բ ո լ ո ր մ ե ծ
տ օ ն ե ր ո ւ ն ի բ ը
ն ա խ ա տ օ ն ա կ կ ը
կ ա տ ա ր ո ւ է ր
Ճ ր ա գ ա լ ո յ ց, ի ս կ
ն ե ր կ ա յ ս մ ի ա յ ն Ս ո ւ ր ք
Ծ ն ո ւ ն դ ի ե ւ
Զ ա տ կ ո ւ ա յ տ օ ն ե ր ը
ն ա խ ո ր դ ո ւ ղ ե ր ը :



Ճրագալոյցի ժողովրդական արարութիւններէն է Քրիստոսի ծննդեան աւետիս տալը մէկը միւսին, ապա աւանդական ընթրիքի շուրջ հաւաքուիլը, ճաշակելու համար ծուկ, բանջար, հաւկիթ եւ գինի:

Գիտէի՞ր թէ...

Սուրբ Ծնունդի ու Սուրբ Զատկուայ ճրագալոյցի երեկոյեան մատուցուող Պատարագը միակ պատարագն է որ ընդունուած է կատարել երեկոյեան ժամերուն:

Յովհաննու Կարապետ

Յովհաննէս Կարապետը Յիսուս Քրիստոսի գալուստը վկայած մարգարէներէն վերջինն է որ յետագային նաեւ մկրտեց զԱյն այնուհետեւ կոչուելով «Յովհաննէս Մկրտիչ»: Ան մեծ համբաւ ունէր իր ապաշխարհութեան քարոզութեամբ եւ իրեն հետեւորդներու մկրտութեամբ: Իր հանդէայ յարգանքը այնքան մեծ եղած է որ իր հետեւորդները հարց կու տային թէ արդէօք ի՞նք էր Քրիստոսը: Պատահեցաւ նաեւ որ ան իսկ կասկածի թէ իրապէս Քրիստո՞սն էր սպասուած մեսեան, որուն Աստուած պատասխանեց թէ աշխարհի վրայ Յովհաննէս Մկրտիչն աւելի մեծ մարդ գոյութիւն չունէր, սակայն որովհետեւ կասկածեցաւ, երկինքի մէջ վերջինն իսկ իրմէ աւելի մեծ պիտի ըլլար:

Հայաստանեայց առաքելական եկեղեցին Յովհաննէս Կարապետի յիշատակը կը նշէ չորս առիթմերով որոնցմէ երկուրմ են անոր ծննդեան (այս տարի Յունուար 14-ին) եւ գլխատման առիթները:



Պահուած բառ

ա	ս	ո	ւ	ն	տ	ե	ս	ն	ե	լ	դ	թ	ա	ի	ր	կ
մ	թ	տ	ա	պ	ա	կ	ւ	ա	ա	դ	ժ	ձ	պ	ա	մ	ա
ա	ի	ժ	մ	ա	ն	ո	ւ	կ	կ	մ	ո	ե	ա	տ	ա	յ
տ	ա	պ	ա	դ	տ	ի	ո	ւ	ն	կ	դ	փ	ո	ի	ն	ս
ե	ս	ե	ա	ն	ա	ւ	ո	չ	ո	դ	ք	ե	ա	ո	ե	տ
ն	ո	թ	ա	թ	ի	ն	լ	ե	թ	թ	ա	լ	ւ	տ	լ	ա
ա	ւ	ե	պ	ն	ե	ւ	ի	թ	ա	տ	շ	ն	ն	գ	պ	
դ	ն	թ	ա	ա	չ	ե	լ	լ	ե	լ	ա	տ	տ	ա	թ	ա
ա	մ	ա	գ	ն	թ	ա	ն	ի	լ	գ	թ	ա	ի	ո	պ	կ
թ	ո	լ	ա	պ	ո	ւ	ր	ր	ի	ո	ւ	ր	ձ	թ	ա	չ
պ	ժ	կ	յ	ո	ւ	ժ	մ	ա	թ	դ	ի	յ	ա	յ	ն	
ն	շ	ո	ւ	ա	թ	ի	լ	պ	մ	թ	ի	ե	լ	լ	ծ	ւ
օ	դ	ն	ւ	ո	գ	ն	դ	ա	կ	ա	պ	ե	լ	ի	ա	ե
թ	ա	գ	ա	ւ	ո	ր	կ	շ	ա	թ	ա	կ	ա	ն	լ	

Արժանի	Դմակ	Խուճկ	հարց	
Ապագայ	Դժողք	Խրատ	մանուկ	տապակ
Ապուր	Դրախտ	Խուրձ	մարդ	տաղ
Ապակի	Դաշտ	Խնձոր	մանել	տակ
Արին		Խնդայ		
Բեւեռ	Ելլել		ճամակ	
Բանիլ	Երթալ	Կաղ	ճուշ	չուան
	Երերալ		ճուշ	պաղ
Գնդակ	Եփել	Ճախ	մատենադարան	Պառաւ
Գունդ		ուժ	շարական	Պայծառ
Գառնուկ	Թալին	կապել	շուարիլ	քուն
Գայլ	Թագաւոր	կանչել	տուն	
	Թիվել	հաց	տեսնել	օդ
		հասուն	տնտես	

Պահուած բառ
6 գիր՝ տարեգլուխ

Նախորդ պահուած բառը՝
Կատարեալ

Հնգամեայ արժեւորում

www.sourphagop.org

Դեկտեմբեր 2000-ին՝ Սուրբ Յակոբի տօնին օրը, Սուրբ Յակոբ Կիրակօրեայ Դպրոցը կը յաստարաքէր իր համացանցի վրայ նորագոյ կայքէջը: Դեկտեմբեր 2005-ը կը նշեր սոյն համացանցի հնգամեան: Այդ առթիւ, հետեւեալ հարցազրոյց ունեցանք դպրոցիս տնօրէն՝ պարուն Թորոս Պապիկեանի հետ, ընդհանուր արժեւորում մը կատարելու համար www.sourphagop.org-ի, եւ անոր ընթացքին մասին:

1- Պարոն Պապիկեան, նախքան տեղեկատուական հարցումները, ընդհանուր արժեւորման հարցում մը: Երբ ակնարկ նետէք կիրակօրեայ դպրոցի կայքէջի ընթացքին վրայ, անցեալ հինգ տարիներու տեսլութեամբ եւ նոյնպէս անոր ապագային վրայ, ընդհանուր ի՞նչ արժեւորում կու տաք այս իրագործման:

ԹՊ: Մեր կայքէջին ամենէն մեծ արժէքը անոր 99% տոկոսով Արեւմտահայերէնով ըլլալը եւ կամաւոր խմբակի մը անսակարկ աշխատանքին շնորհիւ գոյութիւն ունենալը է: Մարդումի եւ պիտումի սահմանափակ մեր կարողութիւնները նկատի առնելով, կը կարծեմ թէ հոս կատարուող գործը իրավատուկ եւ հսկայական է, որ օրինակ պէտք է հանդիսանայ ուրիշ անհատներու եւ հաստատութիւններու որոնք Հայապահպանումով, Արեւմտահայերէնով եւ կամ ալ Քրիստոնէական Դաստիարակութեամբ հետաքրքրուած են:

2- Սուրբ Յակոբ կիրակօրեայ դպրոցի ամսաթերթ «Մաշտոցի Արձագանք»-ի Ը. տարուան (2000-2001) տարեգիրքին մէջ կ'ըսէիք թէ դպրոցիս կայքէջը գոյացաւ առաջնահերթ նպատակ ունենալով Շաշու աւետարանի հայերէն լեզուով ընթերցանութիւնը համացանցի վրայ: Կրնա՞ք յիշեցնել մեր ընթերցողներուն թէ որոնք էին այն նպատակները որոնք կիրակօրեայ դպրոցի կայքէջի գոյութեան մղիչ ազդակները հանդիսացան:

ԹՊ: Ինչպէս արդէն յիշուած էր, www.sourphagop.org-ի առաջնահերթ նպատակը հայերէն լեզուով Շաշու աւետարանի գոյութիւնն էր համացանցի վրայ: Եւ կը շեշտենք «Հայերէն լեզուով»-ին վրայ, որովհետեւ Հիւափային Ամերիկայի մէջ կը գտնուին բազմաթիւ հայկական հաստատութիւններ, թէ՛ եկեղեցական եւ թէ՛ աշխարհական, որոնց կայքէջերը միշեւ այսօր տակաւին հայերէն գիր եւ բովանդակութիւն չունին:

Երբ ակնաստ օրինակ հայերէն լեզուով կայքէջերու չգոյութեան մասին, յիշեցնենք թէ զանազան հայկական հաստատութեանց կայքէջերուն վրայ, հայ գիրերու գիտի 1600-ամեակի փառը հիսուսնական Դաստիարակչական բովանդակութիւն հայթայթել էր, որովհետեւ այս աշխատանքը ուրիշ ընող չկար:

Մեր մղիչ ազդակը ուրեմն Աստուածաշունի Շաշու ընթերցումները արեւմտահայերէնով համացանցի վրայ գետեղելու աշխատանքը իրականացնելն էր եւ ընդհանրապէս հայերէն լեզուով Քրիստոնէական Դաստիարակչական բովանդակութիւն հայթայթել էր, որովհետեւ այս աշխատանքը ուրիշ ընող չկար:

Աւելցնեմ սակայն թէ 2003 թուականէն ի վեր, Կիլիկիոյ կաթողիկոսութեան կայքէջին վրայ կարելի է կարդալ Շաշու աւետարան հայերէն լեզուով ու այս իրագործումին շնորհիւ ներկայիս մեր կայքէջին վրայ ունինք կապ մը դէպի կաթողիկոսարանի կայքէջը ուր կ'ուղղենք մեր այցելուները կարդալու համար հայերէն լեզուով Աստուածաշնչական Շաշու ընթերցուածները:

3- Դպրոցիս կայքէջը ամբողջացո՞ւց ձեր յիշած նպատակներու իրագործումը: Կարելի՞ է հակիրճ ձեւով նկարագրել կայքէջը իր զանազան երթարաժանումներով եւ հրամցուած տեղեկութիւններով:

ԹՊ: www.sourphagop.org-ի վրայ այցելուն կը գտնայ Շաշու Աւետարան, մեր ամսաթերթ «Մաշտոցի Արձագանք»-ի նախկին եւ ներկայ թիւնք PDF ձեւի տակ, խաղեր, կապ դէպի օտար լեզուով Սուրբ Գիրքի կայքէջեր պրատուումներ կատարելու համար, Հայաստանեաց եկեղեցւոց պատմական մը անգլերէն լեզուով, Մաղաքեայի Արքափակուպոս Օրմանեանի նմանողութեամբ մասնակի բառարան՝ կրօնական եւ եկեղեցւոց տօնացուցի վերաբերող նիւթերու շուրջ, Հայաստանեաց եկեղեցւոց Տօներուն եւ Սուրբերուն պատմականը, զարգացման մրցում:

Հոս պէտք է յիշել թէ մենք մեր կայքէջին ծնունդը կը պարտինք մեր կամաւորներէն Բաֆֆի Պապիկեանին: Խրամատուկ «ԿԱՐԾԻՔԴ» բաժինը, ուր մեր այցելուն երբ գրէ, գրութիւնը կը տպուի հայերէն գիրերով եւ ոչ լատինական: Այս բոլոր բովանդակութեանց նախապահման մնաց մեր նիւթերուն հայերէն լեզուով ըլլալը:

4- Դպրոցիս կայքէջը որբանո՞վ ծանօթ է համացանցի վրայ եւ ի՞նչ ձեռվ կը կատարուի անոր ծանուցումը:

ԹՊ: Մենք ունինք 750 ե-նամակի հասցեներու ցանկ մը, աշխարհի չորս կողմերէն գոյացած: Այս թիւը կ'աելնայ կանոնադրապէս, հետեւողական աշխատանքի շնորհի: Կանոնադրապէս, ամէն ամիս, այս բոլոր հասցեներուն կը դրկուի «Մաշտոցի Արձագանգ»ը: Մերթ ընդ մերթ նաեւ կը դրկուին տօնական օրերու առթիւ բացատրական նամակ մը կամ բարենադրութեան խօսքեր, եւ նոյն այս նամակներուն մէջ կը ծանուցուի մեր կայքէջը:

Այլ ծանուցման ձեւ է նաեւ մեր կայքէջի հասցեին իր կապ (link) գտնուիլը այլ հայկական կայքէջերու վրայ, օրինակ Կիլիկիոյ կաթողիկոսութեան կայքէջին վրայ:

Հետեւողական աշխատանքով մեր անունը կ'աելցնենք այլ հայկական հաստատութիւններու կայքէջերու վրայ:

Կը գոյանան նաեւ ծանուցման իրացատուկ առիթներ, ինչպէս դպրոցիս Զ5-ամեակի առիթով բաժնուած մատիտներու վրայ տպուած www.sourphagop.org հասցեն:

Աւելցնեմ նաեւ թէ այցելութիւններու թիւերէն կարելի է եզրակացնել թէ մեր ծանուցման ձեւերու ազդու են եւ արդինաբեր: Այսպէս 2001 թուին մենք ունեցանք մօտադրապէս 1,000 այցելուներ, 2002-ին՝ 2000, 2003-ին՝ 3000, 2004-ին՝ 4000, իսկ 2005-ին 5146 այցելուներ:

5- Ովքե՞ր են այս կայքէջի այցելուները եւ ի՞նչ է ընդհանուր իրավիճակը անոր գործածութեան առընչութեամբ: Դպրոցիս ամսաթերթ «Մաշտոցի Արձագանգ»-ի նաեւ ձեր համացանցի վրայով հրատարակուիլը յատուկ դեր կը խաղա՞յ կայքէջի ընդհանուր գարգացման եւ յառաջիսադացքին մէջ թէ՝ ո՞չ:

ԹՊ: Յատուկ ձեւ չունինք ճշդելու թէ ովքեր են մեր այցելուները «մենք մեր այցելուներուն ե-նամակի հասցեները չենք արձանագրեր», բայց մեր աշակերտները եւ ե-նամակի ցանկի վրայի անձերը վստահաբար անոնց կարգին են: Մեր դրկած նամակներուն մէջ երկու կապեր կը նշուին, առաջինը դէպի մեր կայքէջի գլխաւոր էջը (main page) իսկ երկրորդը դէպի «Մաշտոցի Արձագանգ» ամսաթերթը: Ինքնարերաբար աւելի այցելու ունինք կայքէջի գլխաւոր էջին վրայ ուր կ'ուղղուին նախքան մեր այցելուները ու հոնկէ կ'ընտրեն ամսաթերթը կամ այլ ենթաբաժանումներ:

6- Բոլորիս համար յայտնի կացութիւն է թէ համացանց մը իմաստալից կերպով գոյատեւելու համար այժմէական պէտք է մնայ եւ անոր բովանդակութիւնը մշտական ձեւով պէտք է նորոգուի ու հարստանայ: Այս ուղղութեամբ, ի՞նչ է www.sourphagop.org-ի իրավիճակը: Ո՞վ է կայքէջիս մատակարարը կամ մատակարար իմբակը:

ԹՊ: Մաշտոցի Արձագանգ»-ի հրատարակութեան շնորհի, կայքէջը ամէն ամիս ինքնարերաբար կը նորոգուի:

Տօներու պարագային, վերջերս 7 տօներու բացատրականներ աւելցան: Բառարանը կարելի չեղաւ գոհացուցիչ ձեւով գարգացնել վերջին երկու տարիներու ընթացքին կամատրներու պակասի պատճառով, որովհետեւ մեր կամատրներն են որ մեր գրաշարութիւնը կ'ընեն: Այս իսկ պատճառով, միշտ պէտք ունինք կամատրներու որոնք կ'ուզեն այս աշխատանքին գործակցիլ:

Գալով մատակարարումին, ան կամաւոր իմբակի մը աշխատանքով կը կատարուի, եւ իրաքանչիւրը կը գործակցի իր ժամանակին ներած չափով:

7- Պարոն Պապիկեան, ազատ խօսք մը մեր ընթերցողներուն, եզրափակելու համար այս հարցազրոյցը:

ԹՊ: Հիւսիսային Ամերիկայի մէջ հայերէն կարդան ու գրելը նահանջի մէջ են: Մեր աշխատանքը այս հոսանքին դէմ ելլելու փորձ մըն է, մեր կարողութիւններուն ներած չափով: Պիտի ուզէինք որ այս պայքարին մէջ, յատկապէս հայկական կայքէջերու հայերէն լեզուով բովանդակութիւն ստեղծելու պայքարին մէջ, օրինակ տային մեզմէ աւելի բարձր մակարդակի վրայ գտնուող հայկական կազմակերպութիւններ եւ հաստատութիւններ, որոնք աւելի մեծ պիտմէական կարողութիւններ ունին:

Վերջին հաշուով, Հայոց Այբուբենին 1,600 ամեակը տօնելու լաւագոյն կերպը հայերէնը գործածելն է, եւ որովհետեւ ներկայիս մեր կարդալու եւ գրելու մեծամասնութիւնը Կայքէջերու եւ ե-նամակներ միջոցաւ է, հրամայական է Հայերէնի գործածութիւնը այս միջոցներուն մէջ:

Ընորհակալութիւն:

Աստուածաշունչը՝ պատմուած լիոքրիկներուն Յիսուսի Ծնունդը


Աստուած խոստացած էր Փրկիչ մը ղրկել իր ժողովուրդին:
Մարդ չէր գիտեր երբ պիտի գար Փրկիչը բայց շատեր կը սպասէին անհամբեր :

Աստուած Գաբրիէլ հրեշտակը ղրկեց Նազարէթ քաղաքը որ Մարիամին իմացնէ թէ Աստուած զինք ընտրած է յատուկ նպատակով : Ան զաւակ մը պիտի ունենար եւ անունը դնէր Յիսուս : «Յիսուս շատ կարեւոր անձ մը պիտի ըլլայ, Ան Աստուծոյ որդին պիտի ըլլայ» ըսաւ հրեշտակը :

Մարիամ ամուսնացաւ Յովսէփի հետ :

Այդ օրերուն Մարիամ եւ Յովսէփի վերադարձան Բեթլեհէմ իրենց անունը արձանագրելու կայսրի կազմակերպած մարդահամարի ցանկին վրայ :







Ծատ յոգնեցուցիչ ճամբորդութենէ վերջ, երբ անոնք հասան Բեթլեհէմ բոլոր պանդոկները գրաւուած էին, ազատ տեղ չգտան քնանալու եւ ստիպուեցան ախորի մը մէջ պատսպարուիլ, կենդանիներուն հետ: Թէեւ անկողին չկար հոն, սակայն մսուրին մէջի յարդը չոր ու տաքուկ էր:

Աստուծոյ որդին՝ Յիսուս ծնաւ հոն: Մարիամ զինք դրաւ մսուրի մը մէջ: **Այսպիսով Աստուած իր խոստումը կատարեց եւ աշխարհին դրկեց Փրկիչը:**


Գիշերուայ մութին
հովհանքեր իրենց
հօտերուն պահակութիւն
կ'ընէին, երբ յանկարծ
փայլուն լոյս մը տեսան,
հրեշտակը երեցաւ ու
ըսաւ անոնց՝ «Մի
վախնաք, ձեզի աւետիս
մը պիտի տամ, այս
գիշեր մանուկ մը ծնաւ
Բեթլեհէմի մէջ, ան
Քրիստոս Փրկիչն է,
գացէք եւ պիտի գտնէք
զինք խանձարուրով
փաթթուած եւ մսուրի մէջ
դրուած»։ Ու երկինքէն
խումք մը հրեշտակներ
ե ր գ ե ց ի ն
«Բարձունքներուն մէջ
Աստուծոյ փառք,
խաղաղութիւն երկրի
վրայ եւ մարդոց միջեւ
հաճութիւն»։

Հ ո վ ի ւ ն ե ր ը
շտապեցին դէպի քաղաք
ու գտան Մարիամը,
Յովսէփը եւ Յիսուս
մանուկը։ Ապա դուրս
եկան եւ ժողովուրդին աւետեցին Քրիստոսի Ծնունդը,
փառաբանելով զԱստուծած։





Արեւելքէն իմաստուն մոգեր երբ տեսան փայլուն աստղը երկնքին մէջ անմիջապէս գիտցան որ ժողովուրդին համար նոր Թագաւոր մը ծնած էր։ Անոնք հետեւելով աստղին հասան Բեթլեհիմ, գտան մասուրը ուր Յիսուս մանուկ ծնած էր ու անոր նուիրեցին ոսկի, կնդրուկ եւ զմուռս։



Թէեւ Հերովդէս թագաւորը հրամայած էր մոգերուն որ վերադարնան եւ իրեն պատմեն իրենց տեսածը, բայց Աստուած երազի մը մէջ հրահանգեց մոգերուն որ ուրիշ ճամբով երթան իրենց երկիրը, առանց Հերովդէսին հանդիպելու։

Մտածէ՝ ասոր մասին

Մենք ալ մոգերուն պէս կ'առաջնորդուինք Աստուծոյ խօսքերով եւ Աստուծոյ որդին՝ Յիսուս Քրիստոսը մեր բոլորին փրկիչն է։

Ո՞րն է ճիշդ պատասխանը

Դեկտեմբեր ամսուան մասնակցողներ եւ պատասխաններ

**Մանկապարտէզի անկիւն
արեւելքէն, Երուսաղէմ, աստղը,
Երկրագելու, Հերովդէս, Վրդովեցաւ, աւագ,
ուսուցիչները, Քրիստոս, Բեթղեհէմ**

Նախակրթարան Ա. Բ. Գ. անկիւն

1. ա. Յունուար 6
2. բ. Բեթղեհէմ
3. գ. Հերովդէս
4. դ. Հրեշտակները իրենց լոր տուին
5. Մարիամ
6. ա. Երկինքին մէջ աստղը տեսան
7. բ. ոսկի, կնդրուկ եւ զմուրս
8. գ. Եգիպտոս
9. դ. Նազարէթ
10. սաներն, լուսածին, նախնեաց, անխոռվ, արի, հաւատաւոր, ցանկալի

Նախակրթարան Դ. Ե. Զ. անկիւն

1. Տեր, Քրիստոս, Աստուծոյ, Հօրէ, Էլութենէն
2. Լոյս, լուսոյ, ճշմարիտ, ճշմարտէ, ծնունդ, արարած
3. դ. Ս. Յակոբ
4. բ. Ղերէոս
5. ա. Նիկիա
6. գ. 325 ՔԵ
7. դ. Ս. Գրիգոր լուսաւորիչի որդին
- Արիստակէս հայրապետ
8. ա. առաջին վկան
9. դ. Ս. Ստեփանոս
10. գ. Ս. Ստեփանոս

Երկրորդականի անկիւն

1. Սուրբ Աստուած, Սուրբ եւ Հզօր, սուրբ եւ անմահ
2. Համաշխարհական քարոզ
3. Ս. Ստեփանոս
4. ա. Դեկտեմբեր 12-18 ի մէջ եղող Շաբաթ Օրը
5. ա. Նիկիոյ, բ. առաջին
6. գ. Ղերէոս
7. Մեզ ալ յիշէ Աստուծոյ Գառին՝ Քրիստոսի արջեւ
7. Պկ 6.37-42 (Մտ 7 1-5, 10.24-25, 15.14)

8. Մատթէոս 7.24-27 եւ Ղուկաս 6.46-49

9. Հրեշտակներու:

10. St. James of Nisibis

Նոյեմբեր Ամսուան Մասնակցողներ

Մանկապարտէզ

Անսխալ պատասխանողներ

Ցոլեր Անթեպեան, Նշան Կիրակոսեան, Արա Միրզյան, Փաթիլ Կարապետեան, Շանթ Պալովեան, Յակոբ Գելթանմեան

Նախակրթարան Ա. Բ. Գ. անկիւն

Խշխշեան Արշակ, Արազ Գաբրանմեան, Արին Անթեպեան, Ռիթա Խշխշեան, Դանիէլ Ակրեան, Եագուպեան Նանար, Չաբրագեան Ռիթա, Ժուխանմեան Անի, Ժուխանմեան Լոռի, Մաթոսեան Միեր, Նասոյեան Նարեկ, Արմութլու Կասիա, Սեթեան Նաթալի, Թերինեան Շողիկ :

Անսխալ պատասխանողներ

Սեւակ Պապիկեան, Կարապետեան Զոհրապ, Կարապետեան Ալեք:

Նախակրթարան Դ. Ե. Զ. անկիւն

Լոռի Զինչինեան, Ռօզալին Զինչինեան, Դանիա Ապրալեան, Հրայր Մաթոսեան, Դանիէլեան Մարիա, Շուխանմեան Ժան-Յակոբ, Մատթէոսեան Գրիգոր, Նարեկեան Հրակ, Մամիրոյեան Սեդրակ Անսխալ պատասխանողներ

Առէն Պապիկեան, Դալար Գելթանմեան

Երկրորդականի անկիւն

Փօլ Գիգիրեան, Կարօ Կարապետեան, Քրիստին Լոշխանմեան, Ցովիկ Կարապետեան, Թամար Պուիքեան, Քրիստին Կարապետեան, Գօգօ Մաթոսեան, Անի Մելեքեան, Արի Միրզյան, Լորա Սարիմանուկեան

**Ո՞րն է ճիշդ պատասխանը
Մանկապարտէզի անկիւն**



**Ամբողջացո՞ւր ըստ Մատթեոսի Աւետարանին 2.9-12
հրահանգը, աստղը, առաջնորդեց, երկրպագեցին, ոսկի,
կնդրուկ, զմուռս, երազի**

Թագաւորին այս ----- լսելէ ետք, մոգերը
մեկնեցան: Անոնք չափազանց ուրախացան, երբ կրկին տեսան
այն -----, որ արեւելքի մէջ տեսեր էին. Եւ ահա աստղը
-----զիրենք մինչեւ որ եկաւ ու կեցաւ այն վայրին վրայ
ուր երեխան կը գտնուէր: Երբ տուն մտան, տեսան երեխան իր
մօրը՝ Մարիամին հետ, եւ մինչեւ գետին խոնարհելով
----- մանուկին: Ապա բացին իրենց արկդերը եւ
Յիսուսի ընծայեցին իրենց նուէրները՝ -----,
----- եւ -----:

Յետոյ ուրիշ ճամբով գացին իրենց երկիրը, առանց
Հերովդէսի հանդիպելու, ինչպէս որ Աստուած ----- մը մէջ
հրահանգեց իրենց:

**Ո՞րն է ճիշդ պատասխանը
Նախակրթարան Ա. Բ. Եւ Գ. Դասարաններու անկիւն**

Անուն: _____

1. Ո՞ր օրը որոշուեցաւ Ցիսուս Մանուկին անունը:

Ա.- Ցունուար 6

Բ.- Ցունուար 1

Գ.- Ցունուար 13

Դ.- Դեկտեմբեր 25

2. Ի՞նչ կը կոչենք Ցիսուս Մանուկին անունին տօնը:

3. Ցիսուս ո՞ր օրը մկրտուեցաւ:

Ա.- Ցունուար 6

Բ.- Ցունուար 1

Գ.- Ցունուար 13

Դ.- Դեկտեմբեր 25

4. Ցիսուս ինչո՞վ մկրտուեցաւ:

Ա.- Ձեռ

Բ.- Ձուր

Գ.- Միտուն

Դ.- Իւղ

5. Ցիսուս որո՞ւ կողմէ մկրտուեցաւ:

Ա.- Տէր Հօր

Բ.- Ցովհաննէս Մկրտիչին

Գ.- Վարդապետին

Դ.- Քահանայապետին

6. Ի՞նչ կը կոչենք Ծնունդին նախորդող երեկոն:

Ա.- Զատիկ:

Բ.- Ջրօրինեք:

Գ.- Խթում:

Դ.- Բարեկենդան:

7. Ե՞րբ տեղի կ'ունենայ Ջրօրինեքը:

Ա.- Ցունուար 6 ի պատարագի արարողութենէն ետք

Բ.- Ցունուար 5 ի երեկոյեան

Գ.- Զատիկին

Դ.- Ծաղկազարդին

8. Ե՞րբ տեղի կ'ունենայ Շրագալոյցը:

Ա.- Ցունուար 6 ի պատարագի արարողութենէն ետք

Բ.- Ցունուար 5 ի երեկոյեան

Գ.- Բուճ Բարեկենդանին

Դ.- Ծաղկազարդին

9. Այս տարի երբ պիտի տօնենք Ցովհաննէս մկրտիչին ծննդեան տօնը:

Ա.- Ցունուար 6

Բ.- Ցունուար 1

Գ.- Ցունուար 13

Դ.- Ցունուար 14

10. Ամբողջացո՞ւ Հայաստանեաց Եկեղեցւոյ Կիրակնօրեայ Դպրոցներու Քայլերգին առաջին համարը:

Կիրակնօրեայ ----- յարկին մենք սաներն ենք -----,

----- պէս լուսածին -----՝ սրտէն պերճ նախնեաց:

Ուստի ----- անխոռվ,

Ո՞վ հարազատ ----- արի,

Հաւատաւոր -----

----- աղբիւրին ցանկալի:

Ո՞րն է ճիշդ պատասխանը
Նախակրթարան Դ. Ե. Եւ Զ. դասարաններու անկիւն

Անուն: _____

1.- Սուրբ Հոգին որո՞ւ վստահեցուցած էր թէ՛ Տիրոջ Օծեալը չտեսած պիտի չմեռէր:

- ա.- Յովհաննէսի
- բ.- Զաքարիայի
- գ.- Սիմոնի
- դ.- Յակոբոսի

2.- Հայաստանեալց Առաքելական եկեղեցին ո՞ր ամսուն կը տօնէ Յովհաննու Կարապետի տօնը:

- ա.- Դեկտեմբեր
- բ.- Յունուար
- գ.- Յունիս
- դ.- Փետրուար

3.- Յովհաննու Կարապետի տօնով որո՞ւ տօնը կը տօնենք:

- ա.- Յովհաննէս Առաքեալի
- բ.- Յովհաննէս Շիրազի
- գ.- Յովհաննէս Մկրտիչի
- դ.- Ալան Յովհաննէսի

4.- Յովհաննէս Մկրտիչ ո՞ր գետին մէջ կը մկրտէր:

- ա.- Յորդանան
- բ.- Եփրատ
- գ.- Տիգրիս
- դ.- Արաքս

5.- Յիսուս քանի՞ տարեկան էր երբ մկրտուեցաւ:

- ա.- 10 տարեկան
- բ.- 1 տարեկան
- գ.- 30 տարեկան
- դ.- 12 տարեկան

6.- Մկրտութիւննէն ետք Յիսուս անմիջապէս ի՞նչ ըրաւ

- ա.- Ընտրեց իր աշակերտները:

բ.- անապատ առաջնորդուեցաւ եւ 40 որ ծոմ պահեց:

- գ.- Եգիպտոս գնաց:

դ.- տուն վերադարձաւ

7.- Թարգմանէ՛ աշխարհաբարի:

Երկիւղածութեամբ Լուարուք

8.- Թարգմանէ՛ աշխարհաբարի:

Պրօսխումէ

9.- Թարգմանէ՛ աշխարհաբարի:

Ալելուիա, Օրթի

10.- Ամբողջացուր Հետեւեալ

նախադասութիւնները:

Սկիբին Աղաւնիին Բուտվարը

ա.- _____ խնկարկելու համար կը գործածենք:

բ.- Սուրբ Միւտոնը _____ մէջ կը դնենք:

գ.- Նշխարն ու գինին _____ մէջ կը դրուի սուրբ հաղորդութիւն պատրաստելու համար:

Ո՞րն է ճիշդ պատասխանը Երկրորդականի անկիւն

Անուն: _____

1 Ի՞նչ կը կոչուի Սուրբ պատարագի երկրորդ բաժինը:

2 Ե՞րբ եւ ո՞ւր ճշդուեցաւ Շաշու Աւետարանին բովանդակութիւնը:

3 Յակոբոսի նամակը քանի՝ գլուխներէ կը բաղկանայ:

4 Այս տարի ե՞րբ կը տօնենք Յովհաննէս Մկրտիչի ծննդեան Տօնը:

5 Ե՞րբ է Յիսուսի Անուանակոչութեան տօնը:

6. Ե՞րբ սկսաւ www.sourphagop.org ը:

Ա- Ա. Յակոբի Տօնին օրը 2001 ին

Բ- Ա. Յակոբի Տօնին օրը 1999 ին

Գ- Ա. Յակոբի Տօնին օրը 2000 ին

Դ- Ա. Յակոբի Տօնին օրը 2002 ին

7. Ի՞նչ www.sourphagop.org ի հայերէն տառատեսակը (font):

8. Որո՞նց յիշատակն է Սուրբ Ծնունդի յաշորդող օրը:

9. Ի՞նչ կը նշանակէ Կարապետ:

10. Ինչո՞ւ Յովհաննէս Մկրտիչ կը կոչուի Յովհաննու Կարապետ:

11. Ո՞վ է Բեղինակը “The Chronicles of Narnia” գիրքին:

Կարճ Հուրեր

. Մեր Կիրակնօրեայ Դպրոցի աշակերտներէն խումբ մը, 18 Դետկեմբեր 2005 ին Սուրբ Յակոբի Անուանակոչութեան Տօնին առիթով Եկեղեցւոյ Հոգաբարձութեան եւ Տիկնանց Օժանդակ Մարմնին կողմէ կազմակերպուած աւանդական ճաշկերոյթին ընթացքին ներկայացուց գեղարուեստական յայտագիր մը:

. Յունուար 3, 2006 ին Տնօրէնը, ուսուցիչներէն, երկրորդականի աշակերտներէն եւ ծնողներէն խումբ մը միասնաբար դիտեցին “**The Chronicles of Narnia: The Lion, the Witch and the Wardrobe**” Ֆիլմը:

. Կիրակնօրեայ Դպրոցը տօնեց Սուրբ Ծնունդը Կիրակի 8 Յունուար 2006 ին Բաստրմանեան սրահին մէջ: Նոյն օրը, Կաղանդ Պապան իր նույնական այցելեց դպրոց:

. Շնորհակալութիւն Մոնթրէալի ՀՕՄ-ի Սոսէ մասնաճիւղին որ հոգաց մեր այս տարուայ Կաղանդի նույնական մեծամասնութիւնը եւ նաեւ \$200 նույրեց Դպրոցին:

**Դպրոցին աշակերտներէն
խումբեր իրենց
մասնակցութիւնը կը բերեն
Սուրբ Յակոբի օրուան
ճաշկերոյթին**



Նախակրթարան Բ. եւ Գ.



Նախակրթարան Դ., Ե., Զ. եւ Երկր. Ա.



Մանկապարտէզ եւ Նախակրթարան Ա.

Եւ քու պարանոցիդ մանեակներ սիսի ըլլան: